

一切有為法 如夢幻泡影



佛尼牟迦釋

如露亦如電 應作如是觀

《江味農居士 校正本》

金剛般若波羅蜜經

佛陀教育基金會 印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

金剛經校正本序

金剛般若波羅蜜，喻智慧如金剛寶劍，依之修持，可以悟入佛之知見，直下破執除障，到於彼岸。本經前後共有六譯。現在流通者，爲鳩摩羅什大師之譯本。流傳至今千餘年，普及民間，奉持最廣。但流通本中，譌誤甚多。差以毫釐，謬以千里。積非成是，由來已久遠矣！江味農居士，精研般若，戒行嚴淨。其遺著「金剛般若經講義」，精深微妙，發古德所未發。三十餘年來，風行國內外。民國八九年間，江居士校理北平圖書館所藏唐人寫經時，發見其中金剛經最多，大抵與大書家柳公權所寫者相同。唐人寫經，悉照古本。本經古本，譯自梵經。江居士既得唐人寫經真蹟，遂廣搜歷代古德註疏，引諸異本，逐字校正。民國二十一年秋，上海佛學書局及大法輪書局，相繼刊行江居士之「金剛經校正本」。經後附刊江居士之跋，及校勘記。其經文譌誤處，原原本本，悉有根據。千餘年混淆，始獲確證。讀此校正本，卽是讀敦煌石室唐人之寫經，亦即讀羅什大師譯自梵經之古本。其嘉惠後學，功誠不可沒也。

江味農居士傳

居士姓江，名忠業，字味農，法名妙煦，晚年改名杜，號定翁。其所著書中，或署勝觀，或署幻住。世居江蘇省江甯南鄉凌閣村。祖父樂峰公，仕鄂省，遂家焉。居士幼時，即隨樂峰公，持誦金剛經，終身未嘗少輟。父詡吾公，爲前清循吏。居士以光緒壬寅舉於鄉，旋得陝西補用道。然養志承歡，不樂仕進。民國七年（戊午）春，禮禪宗大德微軍和尚爲師，受菩薩戒。是年夏，觀宗寺諦閑大師開講圓覺經於北平。大師自著「圓覺經講義」，分給聽衆。然大師稱性而談，於講義之外，多所發揮。乃由居士及蔣維喬、黃士恒三人，各述所聞，每日筆記，由居士總其成。成後，呈諦師印可，取名「圓覺親聞記」。時北平圖書館收藏敦煌石室唐人寫經八千餘卷，中多秘笈，需專家校理。教育部乃請居士任校理之職。自戊午至己未，先後二年。居士對金剛經流通本，依據唐人寫經及古德註疏，逐字查考校正，後有「金剛經校正本」問世。民國九年（庚申）間，居士與簡照南玉階昆仲，創辦功德林佛經流通處於上海。搜集南北刻經處及名山各版經籍，流通全國，以弘法利生。民國

十年（辛酉）夏，上海南園居士發起講經會，請諦閑大師開講南嶽慧思大師之大乘止觀。居士每日筆記，並於幽深微妙之處，曲折譬喻以說明之。呈師印可，名曰「大乘止觀述記」。民國十九年（庚午）秋，居士在上海開講大乘止觀述記，逾年方畢。適省心蓮社成立，居士被推為社長。從此，常在社中，開講大乘經典。民國二十三年（甲戌）七月，居士開講金剛經於省心蓮社。初由蔣維喬居士在場筆記，繼由江居士自寫。士舊病復發。是月十八之夕，自云：「金光徧照，佛來接引」，遂合掌不復語，於道友及家族佛號聲中，安然而逝，世壽六十七。居士生前，雖已自寫金剛經講義十之六七，積稿至四厚冊，但因病，尚未全部脫稿。居士往生後，蔣居士始以其平日聽講之筆記，補足成書，名曰「金剛般若經講義」。江居士泛濫各宗，歸宿淨土。一生得力於般若，從事參究，早得消息，豁然大悟，一心常在定中。故恒自言：「教宗般若，行在彌陀。」（參考蔣維喬之江味農居士傳）

金剛經啓請

香讚

爐香乍爇ホク法界蒙薰ホク諸佛海會悉遙ホク
聞ホク隨處結祥雲誠意方殷ホク諸佛現全
身。

南無香雲蓋菩薩摩訶薩ホク
三稱

淨口業真言

修ト又利カ修ト又利カ摩ハ訶レ修ト又利カ修ト又利カ修ト又利カ薩ハ婆タ訶レ

淨三業真言

唵ウ娑ム嚩ム婆タ嚩ム耇ハ馱レ娑ム嚩ム達カ摩ハ娑ム嚩ム婆タ

嚩ム耇ハ度ハ憾レ

安土地真言

南無三滿多母馱喃唵度嚕度嚕地
再音尾娑婆訶。

普供養真言

唵。誡。誡。曩。三。婆。嚩。鞞。日。囉。斛。

奉請八金剛

奉請青除災金剛 奉請辟毒金剛

奉請黃隨求金剛 奉請白淨水金

剛 奉請赤聲火金剛 奉請定持

災金剛 奉請紫賢金剛 奉請大

神金剛

奉請四菩薩

奉請金剛眷菩薩 奉請金剛索菩

薩 奉請金剛愛菩薩 奉請金剛

語菩薩

發願文

稽首三界尊

皈依十方佛

我今發宏願 持此金剛經

上報四重恩 下濟三塗苦

若有見聞者

悉發菩提心

盡此一報身

同生極樂國

云何梵摩訶

云何得長壽尸叉

金剛不壞身

復以何因緣

得大堅固力

云何於此經

究竟到彼岸三

願佛開微密

廣爲衆生說

開經偈

無上甚深微妙法

百千萬劫難

遭遇

我今見聞得受持

願解

如來真實義

南無祇園會上佛菩薩

三稱

金剛般若波羅蜜經

姚秦三藏法師鳩摩羅什譯

如是我聞。一時佛在舍衛國祇樹給
孤獨園。與大比丘衆千二百五十人
俱。爾時世尊食時著衣持鉢入舍衛
大城乞食於其城中次第乞已還至

本處。飯食訖。收衣鉢。洗足已。敷座而
坐。時長老須菩提。在大衆中。卽從座
起。偏袒右肩。右膝著地。合掌恭敬。而
白佛言。希有世尊。如來善護念諸菩
薩。善付囑諸菩薩。世尊。善男子。善女
人。發阿耨多羅三藐三菩提心。應云

何住。云何降トク伏ク其心。佛言。善哉トク善哉トク。善哉トク善哉トク。須菩提。如汝所說。如來善護念諸菩薩。善付囑トク諸菩薩。汝今諦聽。當爲汝說。善男子。善女人發阿耨トク多羅三藐トク三菩提心。應如是住。如是降トク伏ク其心。唯然世尊。願樂欲聞。佛告須菩提。諸

菩薩摩訶薩應如是降伏其心。所有
一切衆生之類。若卵生。若胎生。若濕
生。若化生。若有色。若無色。若有想。若
無想。若非有想。非無想。我皆令入無
餘涅槃而滅度之。如是滅度無量無
數無邊衆生。實無衆生得滅度者。何

以故。須菩提。若菩薩有我相^上人相^下衆
生相^上壽者相^下。卽非菩薩。復次。須菩提。
菩薩於法。應無所住。行於布施。所謂
不住色布施。不住聲香味觸^上法布施。
須菩提。菩薩應如是布施。不住於相。
何以故。若菩薩不住相布施。其福德

不可思量カニ須菩提。於意云何。東方虛

空。可思量不カニ不也カニ。世尊。須菩提。南西

北方四維上下虛空ト。可思量不カニ不也カニ。

世尊。須菩提。菩薩無住相布施福德

亦復如是。不可思量カニ須菩提。菩薩但

應如所教住。須菩提。於意云何。可以

身相見如來不_ス不也。世尊不可以身
相得見如來。何以故。如來所說身相
卽_レ非身相。佛告須菩提。凡所有相皆
是虛妄。若見諸相非相。則見如來。須
菩提白佛言。世尊。頗_ク有衆生得聞如
是言說章句。生實信不_ス。佛告須菩提。

莫作是說。如來滅後。後五百歲。有持
戒修福者。於此章句。能生信心。以此
爲寶。當知是人。不於一佛二佛三四
五佛而種善根。已於無量千萬佛所
種諸善根。聞是章句。乃至一念生淨
信者。須菩提。如來悉知悉見。是諸衆

生得如是無量福德。何以故。是諸衆
生。無復我相。人相。衆生相。壽者相。尸又無
法相。亦無非法相。何以故。是諸衆生。
若心取相。則爲著我人衆生壽者。世又之若
取法相。卽著我人衆生壽者。何以故。
若取非法相。卽著我人衆生壽者。是

故不應取法。不應取非法。以是義故。
如來常說。汝等比丘。知我說法。如筏
喻者。法尚應捨。何況非法。須菩提。於
意云何。如來得阿耨多羅三藐三菩
提耶。如來有所說法耶。須菩提言。如
我解佛所說義。無有定法名阿耨多

羅三藐三菩提ハツノミ亦無有定法如來可
說何以故如來所說法皆不可取不
可說非法非非法所以者何一切賢トクナ
聖皆以無爲法而有差別須菩提於
意云何若人滿三千大千世界七寶
以用布施是人所得福德寧爲多不トクナ

須菩提言甚多。世尊。何以故。是福德。即非福德性。是故如來說福德多。若復有人於此經中受持乃至四句偈等。爲他人說。其福勝彼。何以故。須菩提。一切諸佛及諸佛阿耨多羅三藐三菩提法。皆從此經出。須菩提。所謂

佛法者。卽非佛法。須菩提。於意云何。
須陀洹能作是念。我得須陀洹果不。
須菩提言不也。世尊。何以故。須陀洹
名爲入流。而無所入。不入色聲香味
觸法。是名須陀洹。須菩提。於意云何。
斯陀含能作是念。我得斯陀含果不。

須菩提言不也。世尊。何以故。斯陀舍_レ名一往來。而實無往來。是名斯陀舍。須菩提。於意云何。阿那舍能作是念。我得阿那舍果不_レ。須菩提言不也。世尊。何以故。阿那舍名爲不來。而實無來。是故名阿那舍。須菩提。於意云何_レ

阿羅漢能作是念。我得阿羅漢道不。C XV
須菩提言不也。世尊。何以故。實無有
法。名阿羅漢。世尊。若阿羅漢作是念。
我得阿羅漢道。卽爲著我人衆生壽。非 X Z
者。世尊。佛說我得無諍三昧。非 Z人中
最爲第一。是第一離欲阿羅漢。我不作

是念。我是離欲阿羅漢。世尊。我若作
是念。我得阿羅漢道。世尊。則不說須
菩提是樂一、女、阿蘭那行者。以須菩提實
無所行。而名須菩提是樂一、女、阿蘭那行。
佛告須菩提。於意云何。如來昔在然
燈佛所。於法有所得不二、。世尊。如來在

然燈佛所於法實無所得。須菩提。於
意云何。菩薩莊嚴佛土此又尤不一五也。世尊。
何以故。莊嚴佛土者。則非莊嚴。是名
莊嚴。是故須菩提。諸菩薩摩訶薩レ應
如是生清淨心。不應住色生心。不應
住聲香味觸法生心。應無所住而生

其心須菩提。譬如有人。身如須彌山。
王於意云何。是身為大不須菩提言。
甚大。世尊。何以故。佛說非身。是名大
身。須菩提。如恆河中所有沙數。如是
沙等恆河。於意云何。是諸恆河沙。寧
爲多不。須菩提言。甚多。世尊。但諸恆

河尚多無數。何況其沙。須菩提。我今
實言告汝。若有善男子。善女人。以七
寶滿爾所恆河沙數三千大千世界。
以用布施。得福多不。須菩提言甚多。
世尊。佛告須菩提。若善男子。善女人。
於此經中。乃至受持四句偈等。爲他

人說。而此福德勝前福德。復次。須菩提。隨說是經。乃至四句偈等。當知此處。一切世間天人阿脩羅。皆應供養。如佛塔廟。何況有人。盡能受持讀誦。須菩提。當知是人。成就最上第一希有之法。若是經典所在之處。則爲有

佛若尊重弟子。爾時須菩提白佛言。
世尊。當何名此經。我等云何奉持。佛
告須菩提。是經名爲金剛般若波羅
蜜。以是名字。汝當奉持。所以者何。須
菩提。佛說般若波羅蜜。則非般若波
羅蜜。須菩提。於意云何。如來有所說

法不レ須菩提ヲ白佛言。世尊。如來無所
說。須菩提。於意云何。三千大千世界
所有微塵ノ。是爲多不レ。須菩提言。甚多。
世尊。須菩提。諸微塵如來說非微塵。
是名微塵。如來說世界非世界。是名
世界。須菩提。於意云何。可以三十二

相見如來不レ不レ也。世尊。何以故。如來
說三十二相卽是非相。是各三十二
相。須菩提。若有善男子。善女人。以恆
河沙等身命布施。若復有人。於此經
中。乃至受持四句偈等。爲他人說。其
福甚多。爾時須菩提聞說是經。深解

義趣。涕淚悲泣。而白佛言。希有。世尊。
佛說如是甚深經典。我從昔來所得
慧眼。未曾得聞如是之經。世尊。若復
有人得聞是經。信心清淨。則生實相。
當知是人。成就第一希有功德。世尊。
是實相者。則是非相。是故如來說名。

實相。世尊。我今得聞如是經典。信解
受持。不足爲難。ス若當來世。後五百歲。
其有衆生。得聞是經。信解受持。是人
則爲第一希有。何以故。此人無我相
人相。衆生相。壽者相。ス所以者何。我相
卽是非相。ス人相。衆生相。壽者相。卽是

非相。何以故。離一切諸相。則名諸佛。
佛告須菩提。如是如是。若復有人。得
聞是經。不驚マシ不怖コソ不マシ畏マシ。當知是人。甚
爲希有。何以故。須菩提。如來說第一
波羅蜜。非第一波羅蜜。是名第一波
羅蜜。須菩提。忍辱ロク波羅蜜。如來說非

忍辱波羅蜜。何以故。須菩提。如我昔
爲歌利王割截ハレ身體ハレ。我於爾時。無我
相。無人相。無衆生相。無壽者相。何以
故。我於往昔節節支解時。若有我相
人相。衆生相。壽者相。應生瞋恨。須菩
提。又念過去於五百世作忍辱仙人。

於爾所世。無我相無人相無衆生相
無壽者相。是故須菩提。菩薩應離一
切相。發阿耨多羅三藐三菩提心。不
應住色生心。不應住聲香味觸法生
心。應生無所住心。若心有住。則爲非
住。是故佛說菩薩心不應住色布施。

須菩提。菩薩爲利益一切衆生。應如
是布施。如來說一切諸相。卽是非相。
又說一切衆生。則非衆生。須菩提。如
來是真語者。實語者。如語者。不誑語
者。不異語者。須菩提。如來所得法。此
法無實無虛。須菩提。若菩薩心住於

法而行布施。如人入暗_ハ。則無所見。若
菩薩心不住法而行布施。如人有目。
日光明照。見種種色。須菩提。當來之
世。若有善男子。善女人。能於此經受
持_{カク}讀_ク誦_ク。則爲如來以佛智慧。悉知是
人。悉見是人。皆得成就無量無邊功

德須菩提。若有善男子。善女人。初日
分以恆河沙等身布施。中日分復以
恆河沙等身布施。後日分亦以恆河
沙等身布施。如是無量百千萬億劫
以身布施。若復有人。聞此經典。信心
不逆。其福勝彼。何況書寫受持讀誦。

爲人解說。須菩提。以要言之。是經有
不可思議。不可稱量。無邊功德。如來
爲發大乘者說。爲發最上乘者說。若
有人能受持讀誦。廣爲人說。如來悉
知是人。悉見是人。皆成就不可量。不
可稱。無有邊。不可思議功德。如是人

等。則爲荷擔カニ如來阿耨多羅三藐三
菩提。何以故。須菩提。若樂レ小法者。著
我見人見衆生見壽者見。則於此經
不能聽受讀誦。爲人解說。須菩提。在
在處處。若有此經。一切世間天人阿
脩羅アウラ所應供養ス。當知此處。則爲是塔カ。

皆應恭敬。作禮圍遶。以諸華香而散。
其處。復次。須菩提。善男子。善女人。受
持讀誦此經。若爲人輕賤。是人先世
罪業。應墮惡道。以今世人輕賤。故先
世罪業。則爲消滅。當得阿耨多羅三
藐三菩提。須菩提。我念過去無量阿

僧祇劫ハニ於然燈佛前得值八百四千ハニ萬億那由他諸佛悉皆供養承事ハニ無空過者。若復有人於後末世ハニ能受持讀誦此經所得功德於我所供養諸ハニ佛功德百分不及一。千萬億分乃至算數譬喻所不能及。須菩提。若善男

子善女人。於後末世。有受持讀誦此
經。所得功德。我若具說者。或有人聞。
心則狂亂。狐疑不信。須菩提。當知是
經。義不可思議。果報亦不可思議。爾
時。須菩提。白佛言。世尊。善男子。善女
人。發阿耨多羅三藐三菩提心。云何

應住。云何降トク伏其心トク。佛告須菩提。善
男子。善女人。發阿耨オ耨多羅三藐トク三菩
提者。當生如是心。我應滅度一切衆
生。滅度一切衆生已。而無有一衆生
實滅度者。何以故。若菩薩有我相人
相衆生相フ壽者相フ。則非菩薩。所以者

何須菩提。實無有法發阿耨多羅三藐三菩提者。須菩提。於意云何。如來於然燈佛所有法得阿耨多羅三藐三菩提不也。世尊。如我解佛所說義。佛於然燈佛所無有法得阿耨多羅三藐三菩提。佛言。如是如是。須菩

提。實無有法。如來得阿耨多羅三藐
三菩提。須菩提。若有法。如來得阿耨
多羅三藐三菩提。然燈佛。則不與我
授記。汝於來世。當得作佛。號釋迦牟尼。
以實無有法。得阿耨多羅三藐三
菩提。是故。然燈佛。與我授記。作是言。

汝於來世當得作佛。號釋迦牟尼。何以故。如來者。卽諸法如義。若有人言。如來得阿耨多羅三藐三菩提。須菩提。實無有法。佛得阿耨多羅三藐三菩提。須菩提。如來所得阿耨多羅三藐三菩提。於是中無實無虛。是故如

來說一切法皆是佛法。須菩提。所言
一切法者。卽非一切法。是故名一切
法。須菩提。譬如人身長大。須菩提言。
世尊。如來說人身長大。則爲非大身。
是名大身。須菩提。菩薩亦如是。若作
是言。我當滅度無量衆生。則不名菩

薩。何以故。須菩提。無有法名爲菩薩。
是故佛說一切法無我無人無衆生
無壽者。須菩提。若菩薩作是言。我當
莊嚴佛土。是不名菩薩。何以故。如來
說莊嚴佛土者。卽非莊嚴。是名莊嚴。
須菩提。若菩薩通達無我法者。如來

說名。真是菩薩。須菩提。於意云何_ハ。如
來有肉眼不_ク。如是世尊。如來有肉眼。
須菩提。於意云何。如來有天眼不_ク。如
是世尊。如來有天眼。須菩提。於意云
何。如來有慧眼不_ク。如是世尊。如來有
慧眼。須菩提。於意云何。如來有法眼

不_レ如是。世尊。如來有法眼。須菩提。於
意云何。如來有佛眼不_レ如是。世尊。如
來有佛眼。須菩提。於意云何。恆河中
所有沙。佛說是沙不_レ如是。世尊。如來
說是沙。須菩提。於意云何。如一恆河
中所有沙。有如是等恆河。是諸恆河

所有沙數。佛世界如是。寧爲多不甚多。世尊。佛告須菩提。爾所國土中。所有衆生若干種心。如來悉知。何以故。如來說諸心皆爲非心。是名爲心。所以者何。須菩提。過去心不可得。現在心不可得。未來心不可得。須菩提。於

意云何。若有人滿三千大千世界七寶。以用布施。是人以是因緣得福多不。如是世尊。此人以是因緣得福甚多。須菩提。若福德有實。如來不說得福德多。以福德無故。如來說得福德多。須菩提。於意云何。佛可以具足色

身見不レ不レ也。世尊。如來不應以色身
見。何以故。如來說具足色身。卽非具
足色身。是各具足色身。須菩提。於意
云何。如來可以具足諸相見不レ不レ也。
世尊。如來不應以具足諸相見。何以
故。如來說諸相具足。卽非具足。是各

諸相具足。須菩提。汝勿謂如來作是
念。我當有所說法。莫作是念。何以故。
若人言如來有所說法。卽爲謗佛。不
能解我所說故。須菩提。說法者。無法
可說。是名說法。爾時慧命須菩提白
佛言。世尊。頗有衆生。於未來世。聞說

是法。生信心不。佛言。須菩提。彼非衆
生。非不衆生。何以故。須菩提。衆生衆
生者。如來說非衆生。是名衆生。須菩
提。白佛言。世尊。佛得阿耨多羅三藐
三菩提。爲無所得耶。如是如是。須菩
提。我於阿耨多羅三藐三菩提。乃至

無有少法可得。是名阿耨多羅三藐三菩提。復次。須菩提。是法平等。無有高下。是名阿耨多羅三藐三菩提。以無我無人無衆生無壽者。修一切善法。則得阿耨多羅三藐三菩提。須菩提。所言善法者。如來說非善法。是名

善法。須菩提。若三千大千世界中所
有諸須彌山王。如是等七寶聚。有人
持用布施。若人以此般若波羅蜜經
乃至四句偈等。受持爲他人說。於前
福德百分不及一。百千萬億分。乃至
算數譬喻所不能及。須菩提。於意云

何。汝等勿謂如來作是念。我當度衆
生。須菩提。莫作是念。何以故。實無有
衆生如來度者。若有衆生如來度者。
如來則有我人衆生壽者。須菩提。如
來說有我者。則非有我。而凡夫之人。
以爲有我。須菩提。凡夫者。如來說則

非凡夫。須菩提。於意云何。可以三十
二相觀如來《云》不須菩提言。如是如是
以三十二相觀如來《云》佛言。須菩提。若
以三十二相觀如來者。轉輪聖王則
是如來。須菩提白佛言。世尊。如我解
佛所說義。不應以三十二相觀如來。

爾ル時世尊而說偈言。

若以色見我 以音聲求我

是人行邪道ト 不能見如來

須菩提。汝若作是念。如來不以具足

相故得阿耨多羅三藐三菩提。須菩

提。莫作是念。如來不以具足相故得

阿耨多羅三藐三菩提アノムラサミツサハシ。須菩提スズメダテ。汝若ニ作是念。發阿耨多羅三藐三菩提者ヲ。說諸法斷滅。莫作是念。何以故。發阿耨多羅三藐三菩提者。於法不說斷滅相。須菩提。若菩薩以滿恆河沙等世界七寶布施。若復有人。知一切法

無我得成於忍。此菩薩勝前菩薩所得功德。須菩提。以諸菩薩不受福德故。須菩提。白佛言。世尊云何菩薩不受福德。須菩提。菩薩所作福德。不應貪著。是故說不受福德。須菩提。若有人言。如來若來若去若坐若臥。是人

不解我所說義。何以故。如來者無所
從來。亦無所去。故名如來。須菩提。若
善男子。善女人。以三千大千世界碎クツ
爲微塵。於意云何。是微塵衆。寧爲多ヤ
不レ。甚多。世尊。何以故。若是微塵衆。實
有者。佛則不說是微塵衆。所以者何。

佛說微塵衆。則非微塵衆。是名微塵
衆。世尊。如來所說三千大千世界。則
非世界。是名世界。何以故。若世界實
有。則是一合相。如來說一合相。則非
一合相。是名一合相。須菩提。一合相
者。則是不可說。但凡夫之人。去乃貪著其去乃

事。須菩提。若人言。佛說我見人見衆
生見壽者見。須菩提。於意云何。是人
解我所說義不。云世尊。是人不解如來
所說義。何以故。世尊說我見人見衆
生見壽者見。卽非我見人見衆生見
壽者見。是名我見人見衆生見壽者

見須菩提發阿耨多羅三藐三菩提
心者於一切法應如是知如是見如
是信解不生法相須菩提所言法相
者如來說卽非法相是名法相須菩
提若有人以滿無量阿僧祇世界七
寶持用布施若有善男子善女人發

菩薩心者。持於此經。乃至四句偈等。
受持讀誦。爲人演說。其福勝彼。云何
爲人演說。不取於相。如如不動。何以
故。

一切有爲法。如夢幻泡影。
如露亦如電。應作如是觀。

佛說是經已。長老須菩提。及諸比丘。
比丘尼。優婆塞。優婆夷。一切世間天
人。阿脩羅。聞佛所說。皆大歡喜。信受
奉行。

金剛般若波羅蜜經

般若無盡藏真言

納謨薄伽伐帝鉢唎若波羅蜜多曳。
怛姪他唵。訖唎地唎室唎戌嚕知。
同下三密栗知佛。社曳莎訶。
彌音

金剛心真言

唵烏倫尼娑婆訶。

補闕真言

南謨喝囉怛那哆囉夜耶佉囉佉囉

俱住俱住摩囉摩囉虎囉吽賀賀蘇

怛拏吽潑抹拏娑婆訶

補闕真言

唵呼嚧呼嚧社曳穆契莎訶

普回向真言

唵。娑摩囉。娑摩囉。娑摩囉。弭摩曩。薩縛訶摩
訶。斫迦囉。縛吽。

金剛讚

斷疑生信。絕相超宗。頓忘人法。解真
空。般若味重重。四句融通。福德歎無
窮。

南無祇園會上佛菩薩

三稱

天上天下無如佛 十方世界亦無比

世間所有我盡見 一切無有如佛者

南無娑婆世界 三界導師カク 四生慈チ

父 人天教主 三類化身

本師釋迦牟尼佛

跋

金剛般若波羅蜜經。自唐以來，受持遍寰宇。書寫刊印者既多。文字譌奪，亦因之而日繁。勝觀弱冠受此經。初惟依隨讀誦而已。莫明其義。亦不辨文字有異同也。遜清光緒季年，金陵刻智者疏成。味其疏義，頗有與今本文字不協者。稍稍疑之。因廣搜舊刻，復見東瀛

續藏中肇慧諸註。疑愈甚。及覩唐人柳誠懸
寫經。則與諸古疏義合。然後始知今本之譌
誤甚多也。繼而應聘。校理北平圖書館所藏
燉煌石室唐人寫經。其中金剛經最多。大抵
與柳書同。乃深慨夫沿訛襲謬。由來蓋遠。今
幸獲古人真蹟。及古註疏。千餘年淆誤。因得
證明。柰何不鈔布於世以匡之乎。然而習非

成是久矣。荆人獻璞，鑒真者稀。宜俟機緣，未堪率爾。時民國八九年間也。迨歲庚午，有潮陽郭居士者，精刊此經。謂依柳書。書出，大有非難其擅改經文者。實則其刻尚未盡依柳書。甚矣。習非成是。有如是乎。雖然。古本之善，終不能掩。試舉一二。如古本前周曰，應云何住。後周乃曰，云何應住。一字升降，其義迥殊。

自譌爲一格。遂有誤認文複者矣。是名句。或有或無。各具精義。自譌爲處處有之。遂多以三諦說之矣。不知般若正明二諦。蓋於二諦。遮照同時。卽是中也。豈二諦外別有中乎。台宗以三諦說一切法。然智者大師本經疏義。始終皆明緣生之法。莫非假名。故曰卽非。達其卽非。會真實。其於是名。祇作假名會。是

真善說三諦者。若必執三諦名言，而以是名配中。是名莊嚴，則可。是名我見人見衆生見壽者見，云何通耶。壬申之秋，應諸友夙約，爲說此經。悉依唐人寫本，而融通諸論及古注義蘊，以說之。大衆歡喜踴躍，請以校正本印布之。欲使共知確有依據，孰正孰譌，大明於世也。於經後附校勘記，引諸異本，及各家疏

釋不厭求詳。以資覆按。而述其緣起於此。一事之興也。無不關時。況甚深般若乎。依文字。起觀照。悟實相。文字因緣。所關非小。或曰。禪宗卽般若度。而不立文字。何也。曰。子誤矣。楞嚴經云。知見立知。卽無明本。知見無見。斯卽涅槃無漏真淨。此不立之旨也。豈斷滅文字相。且諸家語錄。非文字乎。語云。依文解義。三

世佛冤。離經一字。便同魔說。何況一字之差。
大有出入。何可忽也。癸酉春勝觀謹跋

薩菩天尊馱韋法護無南

